



Azpeitiko Udala

AZPEITIKO UDALAREN ETA EUSKAL HERRIKO TRIKITIXA ELKARTEAREN ARTEKO HITZARMENA 2021 TRIKI MAILU LANTEGIA PROIEKTUA BIDERATZEKO

-Dirulaguntza izenduna bideratzeko hitzarmena-

Azpeitian, 2021eko urriaren 15ean

BILDURIK

Alde batetik **NAGORE ALKORTA ELORZA**, NAN 72.471.832-M duena, Azpeitiko Udalaren Alkate-Udalburua, Udalbatza Osoak 2019ko ekainaren 13-an hartutako erabakiaren arabera egintza honetan parte hartzeko ahalmena hartua.

Bestetik **AGURTZANE ELUSTONDO PLAZAOLA**, NAN 72.448.730-H duena, Euskal Herriko Trikitixa Elkartearen Lehendakaria, erakundearen Batzar Nagusiak 2011ko otsailaren 19an hartutako erabakiaren arabera egintza honetan parte hartzeko ahalmena hartua.

Bi aldeek aitortzen diote elkarri agiri hau izenpetzeko eta jarduteko behar den gaitasun juridikoa eta honakoak azaltzen dituzte:

AURREKARIAK

Toki Jaurbidearen Oinarriak arautzen dituen apirilaren 2ko 7/1985 Legeak ez ezik, Euskadiko Toki Erakundeei buruzko apirilaren 7ko 2/2016 Legearen 17. artikulua ere Azpeitiko Udalarik kultura eta kultura-jarduerak antolatze eta sustatzeko eskumen propioa aitortzen dio. Kultura garatzeko, sustatzeko eta zabaltzeko Udalak helburu, estrategia eta ekintzak definituko ditu, eta horien kudeaketan bere bitartekoak erabiltzeaz gain beste erakunde batzuekin ere elkarlanean aritu ahal izango da, modu koordinatu eta homogeenan.

Laguntza hau bat dator Udalak 2020ko maiatzaren 5ean onartu zuen Azpeitiko Udalaren 2020-2022 Dirulaguntzen Plan Estrategikoarekin (GAOn 2020/05/28an argitaratua) 2021eko otsailaren 2an egindako udalbatzarrean onartutako egokitzapenaren baitan (GAOn 2021/03/12an argitaratua), VII. Eranskina: festetako jarduerak bultzatzeko eta dinamizatzeko dirulaguntzak, eta honen barruan honako laguntza lerroa dago: musika programazioa aberasteko Euskal Herriko Trikitixa Elkartearen lankidetzaren programa.

Dirulaguntza lerro honen helburu estrategikoa Azpeitian kultura sustatzea eta musika-programazioa aberastea da eta horren baitan, gure lurraldeko musika-ondarea babesten eta zabaltzen laguntzea. Musika-tradizioa birkokatzearekin eta berreskuratzerekin lotutako proiektuak sustatzea, hori udalerrian egingo diren kultura-ekitaldietan eta jaialdietan barneratuz; horrela, adin guztietako herritarrek musika eta kultura tradizionalaz gozatzea lortu nahi da, erakundeen eta kolektibo dinamizatzailen arteko lankidetzaren bidez..

1990. urtean Euskal Herriko Trikitixa Elkartea sortu zen ofizialki, eta ordura arteko boluntarioen lanari esker egitura sendo bat sortu zen, eta 2021. ekitalditik aurrera Azpeitiko herrian kokatuko da. Elkartearen sorreratik bertatik helburu nagusia trikiti munduan gertatzen den guztia biltzea izan da. Elkartek trikitixaren bilgune izan nahi du arlo guztietan, eta ondarea babestu nahi du.



Azpeitiko Udala

Lehengo eta oraingo trikitixaren arteko zubigintzan lan egiten du. Egin ahal horren baitan hiru ardatz nagusi bereizten dira: dokumentazio zentroa osatzea, trikitixaren irakaskuntza edo transmisioa eta komunikazioa edo hedapena.

Euskal Herriko Trikitixa Elkartearen izenean Andoitz Antzizar Lasak 2021eko uztailaren 7an 2021rako Triki Mailu lantegia Proiektua aurkeztu dio udalari eta proiektu hori aurrera eramateko, Udalari dirulaguntza eskaera bat egin dio.

Udalaren Kultura, Euskara eta Parte hartze batzordeak 2021eko uztailaren 28an egindako bileran Euskal Herriko Trikitixa Elkarteak aurkeztutako egitasmoa baloratu zuen, eta aldeko irizpena eman zuen aurrekontuan jasotako dirulaguntza zuzena emateko, kontuan izanik egitasmoaren helburuak bat datozela musika-tradizioa biltzeko hainbat proiektu garatzen dituzten ekimenak sustatzeko eta udalerriko biztanleek kultura-ondare horretaz gozatzeko helburuekin.

Era berean, dirulaguntza aurreikusita dago Udalaren 2021ko ekitaldirako Aurrekontu Orokorren Betearazpen Oinarrietan.

Egitasmoak aurretiazko finantziaketa bermatu behar du, eta horregatik dirulaguntzaren ordainketa aurreratua egingo da. Elkarte onuradunak beharrezkoa izango du 2022ko urtarrilaren 31a baino lehenago jasotako funtsa dirulaguntza emateko oinarritzat balio izan duen xederako destinatu dela egiaztatzea Udalaren aurrean

Horiek horrela, parte-hartzaileek, duten ordezkartzaren arabera, bere burua lotzeko gaitasuna dute eta hori aitortzen diote elkarri; hortaz, azaroaren 17ko 38/2003 Legearen 28. artikulua kontuan izanik, hurrengo lankidetzak hitzarmena gauzatzeko, hauek erabaki dituzte:

1. HELBURUA.

Hitzarmenaren helburua da Euskal Herriko Trikitixa Elkarteari 4.500€ko laguntza izenduna ematea, 2021. ekitaldian Triki Mailu lantegia Proiektua aurrera eramateko

Egitasmoa hitzarmenaren **Eranskin** bezala jaso da. Bertan zehaztu dira aurtengo ekitaldian emango diren jarduketak.

2. ARAUBIDE JURIDIKOA.

Dirulaguntza hau arautuko dute, errege dekretu honetan eta dirulaguntza emateko ebazpenean bereziki xedatutakoak ez ezik, Dirulaguntzei buruzko azaroaren 17ko 38/2003 Lege Orokorrean eta uztailaren 21eko 887/2006 Errege Dekretuak onartutako hura garatzen duen Erregelamenduan aurreikusitakoak ere, publikitate- eta lehia-printzipioei eragiten dienean izan ezik, bai eta, modu osagarrian, urriaren 1eko Administrazio Publikoen urriaren 1eko 39/2015 Legean (urriaren 1eko Administrazio Prozedura Erkidearen Legea) aurreikusitakoa ere.

3. DIRULAGUNTZA EMATEKO PROZEDURA.



Azpeitiko Udala

Diru-laguntza hau zuzenean emango da, azaroaren 17ko 38/2003 Legearen 22.2.a) artikuluan xedatutakoaren arabera. Dirulaguntza honen oinarri arautzaileak hitzarmen honetan zehazten dira, azaroaren 17ko 38/2003 Legearen 28.2 artikuluan eta azaroaren 17ko 38/2003 Legearen Erregelamenduaren 67. artikuluan xedatutakoa betez.

Udalaren Kultura Saila izango da laguntzaren organu-kudeatzailea.

Dirulaguntza honen publizitatea Udalaren web orrian eta Dirulaguntzen Datu-base Nazionalan egingo da.

4. GAUZATZE ALDIA

Diruz laguntzen diren jarduerako egiteko aldia 2021eko urtarrilaren 1etik abenduaren 31ra arte luzatuko da.

5. LAGUNTZAREN ZENBATEKOA ETA FINANTZAKETA

Dirulaguntza Udalaren 2021. ekitaldirako gastu-aurrekontuaren kontura finantzatuko da, 4.500 euroko zenbatekoarekin, 1.0401.481.334.00.01 2021 Transferentzia arruntak Kultura Batzordea aurrekontu-aplikazioaren kargura.

Hitzarmen honen helburua benetan gauzatzeko, Udalak honako eraikineko lokal baten erabilera lagatzen dio EUSKAL HERRIKO TRIKITIXA ELKARTEAri: Basazabal Jauregian kokatuta dagoen eraikinaren zati bat.

6. LAGUNTZA ORDAINTZEKO MODUA

Onuraduna izateko baldintzak: Laguntzaren onuraduna izango den EUSKAL HERRIKO TRIKITIXA ELKARTEAK azaroaren 17ko 38/2003 Legearen 13. artikuluan ezarritako baldintzak bete ditu dirulaguntza kobratzeko.

Ordainketa aurreratua: Dirulaguntzaren ordainketa 2021eko urrian egingo da, ordainketa bakarrean eta modu aurreratuan, dirulaguntzaren helburu diren jarduerak gauzatu ahal izateko beharrezko finantzaketa delako.

Azaroaren 17ko 38/2003 Legearen Erregelamenduaren 42.2.d) artikuluan aurreikusitakoaren babesean, erakunde onuraduna bermea eratzetik salbuetsita geratuko da.

7. BESTE DIRULAGUNTZA, LAGUNTZA, DIRU-SARRERA ETA BALIABIDE BATZUEKIKO BATERAGARRITASUNA.

Diru-laguntza hau bateragarria da helburu bererako beste diru-laguntza, laguntza, diru-sarrera edo baliabide batzuekin.

Erakunde onuradunak aurreko paragrafoan aipatutako baliabideak lortu dituela jakinarazi beharko du. Jakinarazpen hori jakin bezain laster egin beharko da, eta, nolanahi ere, azaroaren 17ko 38/2003 Legearen 14.d) artikuluan ezarritakoaren arabera jasotako funtsei emandako



Azpeitiko Udala

aplikazioa justifikatu aurretik.

Jarduerak, dirulaguntza honekin finantzatzeaz gain, funts propioekin edo beste dirulaguntza edo baliabide batzuekin finantzatu badira, justifikazioan egiaztatu beharko da funts horien zenbatekoa, jatorria eta erabilera diruz lagundutako jardueretan, azaroaren 17ko 38/2003 Legearen 30.4 artikulua arabera.

Dirulaguntzaren zenbatekoak, bakarka edo beste dirulaguntza, laguntza, diru-sarrera edo baliabide batzuekin batera, ezin izango du diruz lagundutako jardueraren kostua gainditu.

8. JUSTIFIKAZIOA

Diruz lagundutako jardueren kontura egindako gastuak justifikatzeko epea hilabetekoa izango da, gauzatze-aldia amaitzen denetik aurrera. Hau da, 2022ko urtarrilaren 31a.

Dirulaguntzaren gastua justifikatzeko, erakunde onuradunak gastu-egiaztagiriak aurkeztu beharko ditu **justifikazio-kontuaren modalitatean**, azaroaren 17ko 38/2003 Legearen Erregelamenduaren 72. artikulua arabera.

Azaroaren 17ko 38/2003 Legearen 31. artikuluan ezarritakoaren arabera, 2021eko urtarrilaren 1etik abenduaren 31ra bitartean egindako gastuak egiaztatu ahal izango dira.

Justifikazio-kontuak honako informazioa eman beharko du:

1.- Dirulaguntza emateko ezarritako baldintzak bete direla justifikatzeko jarduketamemoria, egindako jarduerak eta lortutako emaitzak adierazita.

2. Egindako jardueren kostua justifikatzen duen memoria ekonomikoa, honako hauek jasoko dituen:

A) Jardueraren gastuen eta inbertsioen zerrenda sailkatua, honako hauek adierazita: hartzekodunaren eta dokumentuaren identifikazioa, zenbatekoa, jaulkipen-data eta, hala badagokio, ordainketa-data. Dirulaguntza aurrekontu baten arabera ematen bada, izandako desbideratzeak adieraziko dira.

B) Diruz lagundutako jarduera finantzatu duten beste diru-sarrera edo dirulaguntza batzuen zerrenda xehatua, zenbatekoa eta jatorria adierazita.

C) Dirulaguntzen Lege Orokorraren 31.3 artikulua aplikatuz, onuradunak eskatu behar izan dituen hiru aurrekontuak.

D) Hala badagokio, itzulketaren ordainketa-gutuna.

Dirulaguntza ematen duen organoak egoki iritzitako egiaztagiriak eskatuko dizkio onuradunari, dirulaguntza behar bezala gauzatu dela egiaztatzeko.

Erakunde onuradunak bere gain hartzen du Dirulaguntzei buruzko azaroaren 17ko



Azpeitiko Udala

38/2003 Lege Orokorraren 30. artikulua diru-laguntza publikoak justifikatzeari buruz ezartzen dituen betebeharrak.

Justifikazioan, hala badagokio, aplikatu gabeko gerakinen kasuan itzulketaren ordainketa-gutuna jaso beharko da, bai eta azaroaren 17ko 38/2003 Legearen Erregelamenduaren 72.2.g) eta 90. artikuluetatik eratorritako interesak ere.

9. GASTU HAUTAGARRIAK

Dirulaguntza honako kostu mota hauek finantzatzeko bakarrik erabiliko da:

A) Zuzeneko kostuak: Triki Mailu lantegia Proiektuari zuzenean lotutako kostuak.

Erakunde onuradunak diru-laguntzaren xede den jarduera azpikontratatu ahal izango du, azaroaren 17ko 38/2003 Legearen 29.2 artikuluan ezarritako mugen barruan.

10. ALDAKETAK

Dirulaguntza ematea eragin duten inguruabarrak aldatuz gero, onuradunak hasieran aurreikusita zeuden jarduerak zabaltzeko, kentzeko edo aldatzeko eskatu ahal izango du, arrazoiak azalduta.

Aldaketek ezin dute inola ere diru-laguntzaren zenbatekoa handitu.

11. ERAKUNDE ONURADUNAREN BETEBEHARRAK

Dirulaguntzaren erakunde onuradunak azaroaren 17ko 38/2003 Legearen 14. artikuluan jasotako betebeharrak bete beharko ditu, eta, bereziki, betebeharrak hauek izango ditu:

A) Helburua betetzea, jarduera egitea eta dirulaguntza emateko oinarri den portaera hitzarmen honetan eta dirulaguntza emateko ebazpenean ezarritako moduan, baldintzetan eta epean hartzea, dagozkion justifikazioak aurkeztuz eta Kultura Sailak jarduketak behar bezala ebaluatzeko behar diren datuak emanez.

B) Organo eskudunak eskatutako gastuak justifikatzea fakturekin eta merkataritzako trafiko juridikoan froga-balio baliokidea duten edo eraginkortasun administratiboa duten gainerako dokumentuekin.

C) Diruz lagundutako jardueretarako funtsen aplikazioaren kontrol- eta jarraipen-jarduketak onartzea, dokumentuak egiaztatuz eta Kultura Sailak finantzatutako jardueren amaierako ebaluazioa eginez, bai eta Kontuhartzaitzak eta Kontu Auzitegiak funtsen finantza-kontrola egitea ere.

D) Dirulaguntza publikoak kudeatzeko prozedurak modernizatzen laguntzea, Udalak zehaztutako tresna informatikoak erabiliz.

E) Dirulaguntza jasotzen duten proiektuen eduki nagusiaosatzen duten jarduerak kudeatzea eta zuzenean egitea.



Azpeitiko Udala

F) Datuak babesteari buruz indarrean dagoen araudian xedatutakoa betetzea.

Alderdiek adierazten dute ezagutzen dituztela Datu Pertsonalak Babesteko eta Eskubide Digitalak Bermatzekoari buruzko (3/2018) Lege Organikoari eta Datu pertsonalen tratamenduari dagokionez pertsona fisikoen babesari eta datu horien zirkulazio askeari buruzko arauak ezartzen dituen eta 95/46/EE Zuzentaraua (Datuak Babesteko Erregelamendu Orokorra) indargabetzen duen Europako Parlamentuaren eta Kontseiluaren 2016/679 (EB) Erregelamenduari buruzko xedapenak, eta konpromisoa hartzen dute lege horretan aurreikusitako betekizunak betetzeko, hitzarmen hau dela-eta dauzkaten erabiltzaileen datuei dagokienez.

G) Dirulaguntzaren jatorria behar bezala identifikatzea eta jardueraren finantzaketaren izaera publikoa behar bezala zabaltzea. Horretarako, diruz lagundutako jarduera zabaltzeko erabiltzen den materialean, proiektuaren ondorio izan daitezkeen iragarkiak, kartelak eta argitalpenak txertatu beharko ditu, bai eta gauzatutako jardueren inguruko esku-hartze publikoetan ere.

H) Bere webgunean argi eta garbi adieraztea diruz lagundutako jarduerak Udalaren dirulaguntzen bidez gauzatzen direla.

12. EZ BETETZEAK ETA ITZULKETAK

Bidezkoa izango da jasotako zenbatekoak eta, hala badagokio, diruz lagundutako jarduerak sortutako diru-sarrerak eta dirulaguntzagatik sortutako interesak itzultzea, bai eta dagokion berandutze-interesa eskatzea ere, dirulaguntza ordaintzen denetik bidezkoa den egunera arte.

13. ZEHAPEN-ARAU BIDEA

Diruz lagundutako erakundeak diru-laguntzen arloan egin ditzakeen arau-haustek azaroaren 17ko 38/2003 Legearen IV. tituluan eta azaroaren 17ko 38/2003 Legearen Erregelamenduaren IV. tituluan ezarritakoaren arabera mailakatu eta zehatuko dira.

Eta, hitzarmen honetan ezarritakoarekin bat datozela adierazteko, hala jasota gera dadin eta dagozkion ondorioak izan ditzan, jarraian agertzen direnek honelako hiru ale sinatu dituzte, jatorrizkoak, idazpuruan adierazitako lekuan eta egunean.

Nagore Alkorta Elorza
Azpeitiko Udala



Azpeitiko Udala

ALKATETZA

Agurtzane Elustondo Plazaola
Euskal Herriko Trikitixa Elkartearen
lehendakaria



EUSKAL
HERRIKO
TRIKITIXA
ELKARTEA

Basazabal Jauregia
Enparan kalea 18, 20730 Azpeitia